



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

7mò. Sancti Pauli conversio.

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

POESEOS SACRÆ ET PARTIS QUINTÆ  
INDUCTIO SEPTIMA.

ACT. APOSTOLOR. CAP. 9.

**S**aulus autem adhuc spirans minarum & cædis in Discipulo Domini, accessit ad Principem Sacerdotum, & petiit ab eo epistolas in Damascum ad Synagogas, ut si quos invenisset hujus viæ viros ac mulieres, victos perduceret in Jerusalem. Et cum iter faceret, contigit, ut appropinquaret Damasco: & subito circumfulsit eum lux de Cælo. Et cadens in terram, audivit vocem dicentem sibi: Saule, Saule, quid me persequeris? &c.

SYNOPSIS.

**D**ominus & Salvator noster Jesus Christus acerrimum Christiana fidei persecutorem Saulum in Apostolum & vas electionis miraculose convertit: & Tabitham eximie devotam mulierem, à mortuis per Primatem Apostolorum Simonem Petrum, inter alia prodigia, resuscitat.

**A**ntè dealbatum sacrâ Baptismatis undâ (pura)  
Vidimus Æthiopem, raptumq; per alta Philippo  
Sed modò, quò fuerit translatus Apostolus, ordo  
Indagare jubet. Lucâ referente, docemur,  
Aa. 8. 40. Hunc mox Azoti post ecstasin esse repertum;  
Unde vagabundo per quælibet oppida cursu,  
Assiduus Doctõr Fidei sacra semina sparsit.  
Excoluit populum; solvit languoribus ægros;  
Orci spurcitas pepulit; talique labore  
Immensos fructus collegit in horrea Christi.  
Quantis proficiunt augmentis lucra salutis,  
Tantis obsistit Saulus conatibus, ardens  
Aa. 9. 1. Igne furoris, agit licetorem; vincula, mortem,  
Exiliùmque parat: non est contentus in urbe  
Afflixisse pios; sed cum bona nuntia ferrent,  
Quòd miro applausu totam percurrat Idumen  
Christiadùm proscripta Fides, excanduit irâ,  
Pon-

Pontificésque rogat, sibi per diplomata mandent,  
 Ut profugos possit peregrè turbare fideles.  
 Hac igitur Saulus munitus lege, Damascum  
 Cum sociis properat; sed visis mœnibus urbis  
 Ecce! coruscanti lux Cœlica fulgure Saulum  
 Armigero deturbat equo: Synagogicus heros  
 Palpitat in fabulo; circumstat lucida nubes;  
 Magna per accensum vox detonat aëra: Saule,  
 Quid me persequeris? durum tibi crede profectò,  
 Si contra stimulum vano pes calcitret ausu;  
 Ille stupens dixit: Quis me compellat? eidem  
 Vox eadem replicat: Jesus de Nazareth, ipse  
 Quem tu persequeris. Duplo terrore repletus  
 Saulus ait Domino tremebundâ voce: Quid ergò,  
 O Domine, incipiam? jubeas, mihi quid sit agen-  
 Respondet Dominus pacatâ voce: Damascum (dum  
 Ingrediaris; ibi disces, quid restet agendum.  
 At Sauli comites nubes ardere, per arva  
 Quadrupedem Saulo vacuum volitare, virumque  
 Luctari in fabulo cernunt; pavidique sonoram  
 Nubibus emissam vocem, sed nemine viso,  
 Auribus excipiunt: animo redeunte, jacentem  
 Accedunt propiùs; vivum tremulumque levantes  
 Restituunt pedibus; sed visum fulguris ictu  
 Amisisse dolent, ducunt per compita cæcum.  
 Mœnibus inducto, potu dapibusque mederi  
 Quærunt; sed Saulus renuens oblata, nec ulla,  
 Tres Phœbo vertente dies, desiderat escas:  
 Quippe soporatus super impia facta remorsus  
 Usque recrudescit. Dolor implacabilis unum  
 Objicit ex multis Stephanum; sub imagine somni  
 Aspicit ejectos Solymæa ex urbe fideles;  
 Et quantos contra Christum sufflaverit ignes.

Hinc

Hinc mittit fursum suspiria mille, rogando,  
In visu promissa sibi mandata ferantur.

44.9. Vir probus & sapiens, Ananias dictus, in urbe  
10. Christiadum sacris præerat, cui iussa dabantur  
Cœlitus, ut Saulum Tarsensem visitet: ille  
Exponit Domino: Retulit mihi publica fama,  
Hunc ardere virum contra quoscunque fideles;  
Jamq; tuos Sanctos Solymam perducere victos  
Advenisse ferunt. Sunt hæc mihi nota, reponit  
Salvator, sed scire decet, quod verterit Æther  
Hanc rerum faciem; conversum nuntio Saulum  
Tum quid contigerit Saulo veniente Damascum  
Fufius exponit: tandem subjungit, eundem  
Vas fore præ reliquis electum, munere dignum  
Sortis Apostolicæ, qui per vastissima Mundi  
Climata succendat lucem; sed quanta vicissim  
Ferre virum deceat pro me discrimina, quondam  
Experietur. Abi, sanæque; diutius ægro  
subtraxisse manum, vel neglexisse, cavebis  
Certè nemo bonus, nisi quem tua dextera, Iesus  
Traxerit! ecce trahi cupio, citò furrige lapsum  
Ex scelerum sabulo; da cæco lumina; redde  
Primævum misero languenti, ah! redde vigorem  
Obsequitur jussis Ananias; cùmque precantem  
Cerneret, impositis palmis in vertice Sauli,  
Frater Saule, inquit, Dominus me misit Iesus,  
Quem nuper medio proficiscens calle, coruscum  
Lumine conspicuum vidisti; jussit, ut ægro  
Restituam visum, sanumque fidelibus addam.  
Dixit; & ex oculis excussa repente cadebat  
In terram squamosa cutis, visusque redibat  
Corporis ac animæ. Saulus modò Paulus, amor  
In Christum plenus gaudet, rogatque ministrum

O vir sancte Dei, Baptismi fonte repurga  
 Hanc vitii animam, cupidumque fidelibus adde.  
 His ita finitis, escâ potuque resectus  
 Confidit Domino; socioque labore, Damasci <sup>AA.</sup>  
 Fusè de verâ Christi Deitate perorat. <sub>9. 20.</sub>  
 Sic fuit urbs, Stygii pro belli lecta teatro,  
 Facta cathedra Dei; Legis zelator avitæ,  
 Lege novâ factus Christi bellator; Averni  
 Vas reprobum, subito fidei fit vas & honoris.  
 Hæc metamorphosis prunas sub pectore condit;  
 Non tamen extinguit: siquidem Synagoga Da-  
 Indignata nimis, sub furva nube struebat(masci  
 Infidias Paulo; quas auxit zelus & ardor, <sup>AA.</sup>  
 Quo neo-conversus studuit convertere cives. <sub>9. 23.</sub>  
 Paule Damascenos, moneo, dimitte penates,  
 Ne te submoveat nobis fraus aucta, priusquam  
 Gentibus apportes Divini lumina verbi.  
 Incipe pro Christo probra, detrimenta, dolores,  
 Exiliûmque pati. Bene habet! de nocte paratur  
 Effugium; emissus sportâ de mœnibus urbis  
 Pergebat Solymam, Petro sistendus; & ecce  
 Contigit, ut cecini; per multa pericula Paulus  
 Elapsus, Solymæ sacro fervore requirit <sup>AA.</sup>  
 Discipulis jungi; metuunt hi, fortè sub herba <sub>9. 26.</sub>  
 Ne lateat serpens: tunc Paulus Barnaban orat,  
 Hicque recensendo Pauli nova fata, fidelem  
 Discipulum Christi pronuntiat ore disertio.  
 Tum capit amplexus Petri, dignatur honore  
 Fratris; Apostolico decoratus munere, eodem  
 Utitur intrepidè, gentiles instruit, atque  
 Convincit Græcos: sed pro mercede laborum  
 Postremò gens plena dolis jugulare Magistrum  
 Nequiter instabant, Nunquid, mi Paule, palæstram

V.

In-

Ingressus Christi multum tolerare tenetur,  
 Argolicis diffide viris; sub cuspide virus maseu  
 Fert nepa mortiferum: Solymam velut antè De  
 Desere, & in patriam regione Cilisside Tarfun  
 Missus, inexpletos poteris finire labores.  
 Dum Tarfi tractat Divina negotia Paulus,  
 Pace fruebatur jactata Ecclesia Christi:  
 Quam Petrus, ut primi Pastoris jura requirunt,  
 Debilis atque senex Hebræa per oppida currens  
 Visitat; & Lyddam veniens, cognoscit adesse  
 Bis quater annorum revolutis messibus ægram  
 Accedit, multisque videt cruciatibus ustum,  
 Dira arthritis enim miseris contraxerat artus,  
 Huic ait: Ænea, Dominus te sanat Iesus;  
 Illicò surge, tuo sanus descende grabato!  
 Æneas gravibus verbis obtemperat; artus  
 Invenit esse leves, pulsam cessasse dolorem;  
 Surgit, & exultat: miratur Lydda, Saronam,  
 Et plures populi: sacro quoque fonte lavantur  
 Urbs Ioppenfis erat Lyddæ vicina; suoque  
 Hanc complexa sinu, plures sacra nostra professio  
 Sustentabat: iis pia Dorcas sive Tabitha,  
 Fœmina virtutis, sacris fidissima nostris,  
 Auxilio præerat; sed cum sit abyssus opaca  
 Judicium Domini; Dorcas largissima mater  
 Labitur in morbum, cujus vehementia tandem  
 Impletam meritis expellit corpore vitam.  
 Concurrunt inopes, ô! lamentantur, amica  
 Paupertatis abis? dilecta revertere, clamant!  
 Quis nos depressos, escâ potuque carentes,  
 Vestibus orbatos, curâ meliore juvabit?  
 Hoc inopum planctu, præcordia mota virorum,  
 Qui sacra curabant, mittunt sua nuntia Lyddam.

Expo-

Expositum Petro , rapidæ cecidisse Tabitham  
 In mortis prædam ; finem nescire dolorum  
 Afflictos inopes , gemitusque ciere perennes;  
 Orant , ne misero solatia sancta popello  
 Ferre gravaretur. Petri clementia nescit  
 Pauperibus renuisse manum: comitatus in urbem,  
 Inque domum ductus defunctæ , mandat abire  
 Præsentes ; post hæc positis prope funeris arcam  
 In terram genibus , duplicat suspiria ; demum  
 Dorcada compellans inclamat : Surge Tabitha!  
 Hæc oculos aperit , caput elevat , exerit ambas  
 Ad Petrum resupina manus , erecta resurgit,  
 Redditur afflictis : gaudendi copia toti  
 Accrescit populo. Joppenses signa videtis  
 Tam manifesta ! moras cur necitatis amplius, almo  
 Fonte dealbari ? video concurrere plures:  
 Sed cur non omnes ? fati cognoscite causam:  
 Spiritui sancto , sinè quo subsistere Christi  
 Gratia nulla potest , durato corde resistunt.  
 Præsens Apostolici cœtus ostendit , eundem  
 Esse Redemptorem Iesum , qui jura resolvit  
 Mortis , & extinctæ reddit spiracula vitæ.  
 Enceladi Stygii congesta potentia nescit  
 Mortalem porco jugulato reddere vitam.  
 Fons animæ Deus est; quæcunque creata videmus,  
 Per Dominum spirant; illis dum subtrahit auram,  
 In nihilum recidunt ; si verò classica vitæ  
 Intonuit , reduces veniunt in corpora manes.  
 Hoc suprema dies flammis grassata per Orbem  
 Monstrabit , quando ruptâ tellure sepulchra  
 Effundent gremio , quidquid spiraverat antè.  
 Si cupis à primâ nascentis origine Mundi,  
 Et quâ Terra patet , quâ Sol utrumque recursum

Aspicit Oceanum , populos censere ; profecto  
 Calculus hic hominum dabit innumerabile vulgus  
 Qui tamen ad binas , *Defuncti surgite* , voces  
 Exhibunt oculis ; & eâdem carne relecti,  
 Inter inauditos Cœli Terræque fragores  
 Iudicis obtutum pavidi lætæ subibunt.  
 Ad te convertor , viduarum Dorcas alumna ;  
 Promeritis bene digna tuis encomia tumbæ  
 Inscribe : Jacet hic inopum Patrona , viator,  
 Dorcas , nata semel , bis mortua ; vivitur illi  
 In Cœlis ætas modò tertia : quando reposeet  
 Ex hoc sarcophago cineres tuba magna , beatæ  
 Iungendos animæ , toti narrabitur Orbi,  
 Hanc in pauperibus Christum pavisse. Memento  
 Plurima lucrari , magnosque reponere quæstus,  
 Qui saturant inopes ; pressisque , favoribus adsunt.  
 Nos qui suppressimur , pia Dorcas , mole malorum  
 Ut Superos flectas in nostra petita , rogamus.

POESEOS SACRÆ ET PARTIS QUINTÆ  
 INDUCTIO OCTAVA.

ACT. APOSTOLOR. CAP. IO.

**V**ir autem quidam erat in Casarea , nomine Cornelius,  
 Centurio cohortis , quæ dicitur Italica , religiosus et  
 timens Deum. . . . Is vidit in visu manifestè , quasi horâ die  
 nonâ , Angelum Dei introeuntem ad se , & dicentem sibi  
 Corneli. . . . orationes , & eleemosynæ tuæ ascenderunt in  
 memoriam in conspectu Dei ; & nunc mitte viros in Joppam  
 & accersi Simonem. &c.

SYNOPSIS.

**D**ominus est Salvator noster Jesus Christus per Angelum instruit  
 Cornelium , ut Petrum Primate[m] Apostolorum ad se Casaream  
 invitet ; simulque ostendit Petro , non esse abstinendum à com-  
 muni , neque à conversatione gentilium : denique Paulum ad  
 eiochiam ad predicandum evocat.

Stre-